


# Oberfläche-Goofe

## Einzug

Mer send d'Oberfläche-Goofe,  
senged, was das Jahr esch gloffe.  
Send ehr alli doo?  
Joooo!  
Dänn chömmer jetzt aaf!




## KESB-robblem

Melodie: Dr Hansjakobli und ds Babettli (Mani Matter)

Dr Hansjakobli und s'Babettli  
händ mit em Chochitaburetli,  
äs Speeli zäme gschpelt zom göisse,  
"He, he, Frau Meier" hät das gheisse.

Äs esch ned jede wie s'Babettli  
so harmlos uf sim Taburetli.  
Drum lueget, dass wie Hansjakobli  
gäng eine undenufe toppli.


Für d'KESB en Fall zum interveniere:  
Diä Goofe muess mer främdplatziere.



## Bem Blattluus esch d'Luft doss

Melodie: Dr Schacher Seppli (Ruedi Rymann)

Ich be de Blattluus Seppeli,  
be überall verkeht.  
Ich foul ned, be ken Hooligan,  
werum händ's mich dänn gspeert?



Wie schliich ich jetzt is Stadion?  
Wie verchleid ich mech am beschte.  
Mer kännt mich ned mit Chopftuech a  
und edelwiiser Weschte.

Melodie: Chasperli-Melodie (Jörg Schneider)

Fifafallera, Fifafallera,  
dä Blattluus Seppli muess jetzt gah,  
de nöchsch Halunk esch morn scho dra.

## Fasnachts-Verhaltensregle

Melodie: Auf de Schwäb'sche Eisenbahne (Volkslied)

Sichtbarkeit heisst Sicherheit,  
händs eus i de Schuel scho gseit.  
Drom ghört au weg de Asylante,  
is Fasnachtskit e Taschelampe.

Und Gugge sind die wahre Helde,  
bi Problem söllsch die be ene melde.

[hier: irgend eine Gugge einsetzen] esch/send bereit,  
doch esch das wörkli Sicherheit.


Ad Fasnacht gönd au Fraue gern,  
ob Köln, Zorzi/Bade oder Luzern.  
Für d'Sicherheit, s'lieht of de Hand,  
brucht's e armlängi Mindeschtabstand.



## Holl under em Chäfer de Mischt före

Melodie: Hippie-Bus (Dodo)

Er esch so heilig  
ond list us de Bible vor.  
Det findet er luuter alti Sache nor.  
Wer mer wänn sött steinige,  
Zom d'Gsellschaft bereinige.



Er esch en christliche Wortlutmaster  
ond macht äs Nöchschteliebi-Desaster.  
Das esch Humanismus-Larifari  
s' brucht doch Liebi för alli!

De Viitus, bleibt wiit us  
als Prediger ganz en bsundere Fall.  
De Viitus, holt wiit us,  
hinder ihm stoht niemmer, vorne Rauch und Schall.

Pimp mol die Bible, pimp pimp mol die Bible,  
s' alte Teschtament, das muess mer emol striegle.  
Pimp mol die Bible, pimp pimp mol die Bible,  
für Friede.

Es isch schiiheilig,  
stelled euch das vor,  
VW hät de Abgastescht frisiert, letscht Jahr.  
Mer schicked sie is Land vom Pfäffer,  
zäme mit ihrne Mischthäffer.

Es ged ä Buess, es ged ä Buess,  
vorne alles suber hinde use Ruess.  
Ond will er muess, will er muess,  
goht de Flint ins Korn, jetzt weder z'Fuess.  
Pimp mol de VW, pimp pimp mol de VW,  
C: Ah, denn esch es en BMW  
Also en Shippi Bus, Shippi Bus,  
de Penndrit nähmt en - mit Handkuss.



## Zurzi:

### Zurzi türmt

Melodie: *Über den Wolken (Reinhard Mey)*

Oberfläche, Geissäweg,  
Beckämoos oder Äntweese:  
Parkiere werd zom Privileg,  
dänn du zahlsch so riese Priese.



Im Tierpark muss es Reh ha.  
S'fählt de Grond zom Fläche fäschte.  
Au för's Wasser wänds meh ha,  
zom die lääri Kasse z'mäschte.



Aber förs Thermi  
dörf de Ufwand dänn gränzelos si.  
En noie Wolchechratzer söll he.  
Wohär holeds die Batze? Ich gseh,  
än Scheich chämti z'Nacht mit äm Jet,  
wo sin Scheiche heile wett.



### En chline Augeblitz

Melodie: *Ballade vo däm wo nie zueglost het (Fritz Widmer)*

En onbekannte Zorzacher Könschtler esch extra  
uf Zöri well dert,  
hät's so'nen Chaschte, wo sofort es Bild macht,  
wänn eine ächli z'schnell verchert.  
Ach, Santhi, wieso gosch du so wiit und ziesch in  
Zöri dini Ronde.  
Ich wette du hättisch, wänd gnauer gluegt  
hättisch,  
dä Chaschte bem Bächli au gfonde.

[www.goofe.ch](http://www.goofe.ch)

## Zug i d'Freiheit

Melodie: *Wo e Willy isch, isch ou e Wäg (Willy Vogel)*

Wo än Wille esch, esch au en Weg,  
Flüchtigi suechet ehn, das esch ned schräg.  
Für d'Freiheit mümmer zäme stoh.  
- Ganz schön nöch bitte.  
Dass mer no meh Lüt chönd ineloh.

Gott sei Dank esch d'Schwiz so konschtruktiv,  
beschritten anderi Weg als s'EU Kollektiv.  
In Ungarn hät's än Stacheldraht,  
Au in Öschterich stoht dä parat.

I de Schwiz wird eim d'Ufnahm glenge,  
sie müend nor of dä Zog ufspreng.  
Dänn d'SBB kânt kei Fremdehass:  
Wer zahlt bechont de Swisspass.



## Bade:

### Qual der Wahl

Es esch doch s'Gliche jedesmal,  
die sogenannti Qual der Wahl.  
Mer muess us ere Unzahl Grinde,  
de eint passendi usefinde,  
wo dänn bechleidet ers Mandat  
sicher au schritteti zur Tat.

Egal ob liberal, ob Sozi,  
Parteilos oder Chrischt.  
Was zählt esch  
wer uf de Wahlresultatlischt  
ned de lingscht,  
sondern de Ober ischt.



## Bettflucht

Melodie: *Heicho (Schtärneföifi)*

Dä Schmusi ond sis Gschpusi,  
diä wänd zäme of d'Piste.  
De Schmusi wott go tanze  
und de Gschpusi wott i d'Chischte.

Aha... so so...  
s'esch ned so wie'n'ehr dänked.  
Die beide bes am Morge früh  
ned gäge hei zue schwänked.

Isproch, Isproch,  
diä zwoi söttet is Bett.  
Chasper chasch mer hälfe,  
das wäri furchtbar nett.

- C: Potz Holzöpfel und Zipfelchappe.  
Was esch waseliwas?  
M: Weisch, z'Bade werds ab em 4i krass.  
Do häd's ganzi Sängerhorde!  
C: Was? Z'Bade I de witte Gass esch es änger  
worde?  
M: Nei, ich chan z'Bade ned schlofe  
und vor minere Türe wird uriniert!  
C: Jo, ich bin au betroffe!  
D'Läde sind weg de Baustell ruiniert.  
M: Nei Chasper, es brucht Frischte.  
Es sind sovieli bsoffe.  
C: Gäll schad, d'Kiste isch nor bis am 4i offe.

## Abdankig

Melodie: *Chasperli-Melodie (Jörg Schneider)*

Bireschnitz und Haselnuss för höt esch us und  
schlussdibus.

S'esch skandalös  
S'esch bodebö, s'esch schuderbar  
Aber s'esch wahr.

